

amarauna ► Portalak

Portalak: sarearen erregeak

Bai, badakigu Gabonak eta erregeak pasatu direla eta ez gara Belengo portalaz ari. Modan dagoen hitza da Interneteko webgune-topaleku handiak izendatzeko. Hitzaren definizioak dioenez, etxe baterako sarbidea ematen duen ate nagusia da, eta beste geletara sartzeko bertatik igaro behar da. Interneten duela gutxi hasi zen kontzeptu hau zabaltzen eta izugarri azkar hedatu da.

JOKOAN DA INTERNAUTEN trafikoa eta horrek publizitatean sortzen duen dirutza. Horren adibide on bat dugu America Online enpresak (AOL) 600.000 pezetaren truke (24.000 libera) Netscape enpresa erosi izana. Ondorioa: sareko trafikoa %70 eta behingoz Yahoo! enpresari portalen aitzindari-tza kentzea.

Portalaren garapena Yahoo! eta Altavista bilatzaileetatik dator. Hasiera batean bilatzaile arruntak zirenak, euren arteko lehia gailentzeko, hainbat zerbitzu gehigarri eskaintzen hasi ziren. Sareko erraldoiak laster ohartu dira zerbitzu asko eskaintzen dituen orrialde baten erakargarritasunaz, eta horretan dabilta Microsoft,

Netscape eta AOL gaur egun.

Portal on batek eduki behar dituen gauzen artean doko posta dago; erosketak egiteko denda birtualak (liburuak, diskoak, ordenadoreak, autoak...); umeentzako ibilbide bereziak; chat guneak berriketarako, berriak (orokorrak, burtsa, kirolak, eguraldia, eta abar); orrialde horiak, iragarkiak, agenda... Helburua da internautak bertatik atera gabe nahi duen guztia jasotzea, bitartean bertako publizitatea jasoz. Modako jarrera da portal handiek ingelesa ez diren sareko beste hizkuntza nagusietan ere izatea euren webguneen bertsioak. Zoriturrez euskara ez da haien artean ageri.

Adituek diotenez, gerra

honen ostean bost portal nagusituko dira beste guztien gainetik. Horietako bat izateko piztu den lehiari esaten zaio «portalen gerra». Baina EEBBetan geldituko da lehia handi hori. Estatu bakoitzeko portalak eta portaltxoak geldituko dira, hala ere.

Euskal portal baten beharra


Euskaldunok Kaixo bilatzailera, EGUNKARIAren berriak eta hortik sakabanatuta dauden beste hainbat webgune batuko bagenitu ere, gure portala nahiko urri geldituko litzateke oraindiko, gauza askoren faltan. Nahikoa da Vilaweb katalanari begiratu bat ematea horretaz ohartzeko, baina tira, horrekin hemen azkenaldion sa-

rritan komentatu den kontu batera iritsiko ginateke: euskal presentzia eskas baten inguruan euskal webgune potente baten beharra egiaztatzeraz. Izan ere, azaroaren 20an egin zen Informatikari Euskaldunen II. Topaketan portal hitza aipatu ez bazen ere, kontzeptu horixe zebilen partehartzaileen gogoetan. Ondorioak aipatzean, indarrak bildu eta «zibernauta katalan eta galegoek egin duten antzera ziber-hiri bat antolatu» beharko genukeela esaten zuten UEUKo antolatzailerek. Hortik zihoazen tiroak, agian portal batekin hobeto irudikatuko genuke horren gauzatzea.

► Netcenter
<http://www.netscape.com>

► Yahoo
<http://www.yahoo.com>

► America Online
<http://www.aol.com>



amarauna ► «Interneteko Argiñano»-ren portala

Sukaldaritzaren portala

Portalaren modaren erakusgarri, Koldo Royoren proiektua dugu. Mallorcan bizi den donostiar honek Interneteko Argiñano ezizena irabazi du *A fuego lento* bere guneari esker. Gastronomiaren gaineko webgunerik bisitatuena du, osatuena eta diseinurik txukunetakoak dudarik gabe. Bada, *La brøjula* aldizkariaren bidez jakin berri dugunez, laster sukaldaritzari buruzko portal bilakatuko da, sarean arlo honetan jaun eta jabe izateko as-

moz. Bere gunearen barruan topatzaile bat egongo da, doko e-posta helbideak eta sukaldaritzaren zaleentzako web espazio bat, beren guneak ezar ditzaten.

Royok Palman du bizilekua eta jatetxea, eta azken aldion bere sos guztiak Internetera bideratu ditu, sareko erreferentzia gastronomiko nagusia izateko. Bere hurrengo ekimenen artean sukaldaritzari buruzko bideoak eskainiko dituen webgune bat izanen da,



canalcocina.com izenekoa, eta baita Internet bidezko

► A fuego lento
<http://www.afuegolento.com>

info

Xuxen eskuratzeko

Orrialde hauetan inoiz aipatu dugun Xuxen zuzentzaile ortografikoa Interneten eskuragarri dago. EHUKo Informatika Fakultateko Ixa taldeak prestatu du tresna baliagarri hau. Xuxen II izeneko bertsio hau PC-Windowsko Office97 paketearen integratzen da, Word, PowerPoint eta Excel programetan erabiltzeko.

Badirudi, beraz, oraingoz beste aplikazio eta sistema batzuetarako egin diren bertsioak ez direla online jarriko.

Xuxen beste hizkuntzetako testuen zuzentzaile ortografikoak bezala erabiltzen da, alde txiki baina garrantzitsu batekin: erabiltzailearen hiztegiaren norberak txertatu nahi dituen sarrerak gehitutakoan sarrera horien flexioak ere (deklinabidea, batez ere) onartuko ditu.

► Xuxen II doan kargatzeko
http://www.euskadi.net/euskara_hizt/index_e.htm

► Zer da Xuxen?
<http://ixa.sii.ehu.es/dokument/XUXEN.html>

Webguneak

Euskal abadeak online

Euskal Eliza izeneko webgune bat zabaltzeko berri da sarean. Xoom-en doako gune batean ezarri du Felix Placerrek bere txoko zibernetikoa. Orrialdearen hasierako orrialdean «Kristok kutsatutako Euskal Herriko puska bat gaituzue» esaldia aurkituko dugu. Bertatik, ziberespazioaren inmaterialitatean, zerua irudikatzen duten hodei batzuek osatutako hondoaren gainean, informazioa eskaintzen digu Placerrek Herria 2000 Eliza elkartearen gainean, eta hainbat dokumentu irakurtzeko aukera ere izango dugu. Kristau gogoeta eta hausnarketarako lekua eskaini nahi du egileak. Hainbat agiri kontsultatzeko aukera izango dugu, baita eztabaidetan parte hartzeko aukera ere.

► Euskal Eliza
<http://members.xoom.com/euskal/eliza/abadetxea@mx3.redestib.es>